

ԳԱՐԵԳԻՆ Բ ԱՄԵՆԱՅՆ ՆԱՅՈՑ ԿԱԹՈՂԻԿՈՍԻ ՇՆՈՐհԱՎՈՐԱԿԱՆ ՆԱՄԱԿԸ ՆԱՅԱՍՏԱՆԻ ՆՈՐԱՆՇԱՆԱԿ ՎԱՐՉԱՊԱՏԻՆ

Մայր Աթոռ Ս. Էջմիածին, 13 մայիսի 2000 թ.:

Այսօր Ն.Ս.Օ.Տ.Տ. Գարեգին Բ Ամենայն հայոց Կաթողիկոսը հղեց իր շնորհավորական նամակը հայաստանի հանրապետության նորանշանակ վարչապետ Անդրանիկ Մարգարյանին, ուր ասված է .

«Մեծարգո պրն Վարչապետ.

հանուն Ամենայն հայոց Կաթողիկոսության, Մայր Աթոռ Սուրբ Էջմիածնի միաբանության և Գերագույն Տոգևոր Խորհրդի շնորհավորում ենք Ձեզ հայաստանի հանրապետության վարչապետ նշանակվելու առիթով:

Աղոթքով առ Բարձրյալն Աստված մաղթում ենք Ձեզ կորով ու նշանդ, անշրջելի հաջողություններ բարձր ու պատասխանաբար Ձեր պաշտոնում՝ ի շինություն մեր հայրենիքի և ի բարօրություն մեր ժողովրդի»:

ՆԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆՈՐ ՎԱՐՉԱՊԵՏԸ ԱՅՅԵԼԵՅ ԳԱՐԵԳԻՆ Բ ԱՄԵՆԱՅՆ ՆԱՅՈՑ ԿԱԹՈՂԻԿՈՍԻՆ

Մայր Աթոռ Ս. Էջմիածին, 14 մայիսի 2000 թ.:

Այսօր հայաստանի հանրապետության նորանշանակ վարչապետ Անդրանիկ Մարգարյանն այցելեց Մայր Աթոռ Ս. Էջմիածին՝ սրանալու Վեհափառ հայրապետի օրհնությունը: Վարչապետին ուղեկցում էր Կրոնի գործերի խորհրդի նախագահի պաշտոնակատար պրն Լևոն Մկրտչյանը: Վարչապետն իր ջերմ շնորհակալությունը հայտնեց Վեհափառին իր օրհնության և շնորհավորանքների համար՝ ասելով. «Մենք ապավինում ենք մեր սրբազան հայրերի հավատին՝ սրանալու ուժ և օրհնություն մեր առաքելության և ծառայության մեջ»:

Վեհափառ հայրապետը մեկ անգամ ևս շնորհավորեց պրն Անդրանիկ Մարգարյանին վարչապետ նշանակվելու կապակցությամբ՝ նրան մաղթելով ուժ և կորով, որպեսզի իր առաքելությունը, հուրախություն մեր ժողովրդի, լինի արգասավոր՝ քաղաքական, փնտրեսական, մշակութային, կրթական և հայրենական կյանքի բոլոր ոլորտներում: «Մենք հավատում ենք, որ ծանր այս իրավիճակից

կարող ենք դուրս գալ միայն ազգովի միաբան, քաղաքական ու հոգևոր իշխանությունների սերտ համագործակցությամբ»:

Այնուհետև Վեհափառն անդրադարձավ Եկեղեցու և պետության միջև կնքված «Մտադրությունների հուշագրին» և այնպես առկա մշակութային, կրթական և այլ կարևոր հարցերին: Զրույցի ընթացքում Վեհափառ Հայրապետը առանձնապես կարևորեց մարավորականությանը վերապահված դերը ազգային կյանքում, մեր հայրենիքի ու ժողովրդի համար ծանր ու բարդ այս ժամանակահատվածում:

Վարչապետն իր կողմից հավաստիացրեց, որ ըստ ամենայնի պիտի նպաստի Եկեղեցի-պետություն համագործակցությանը:

ԳԱՐԵԳԻՆ Բ ԿԱԹՈՂԻԿՈՍ.

«ՄԱՏԵՆԱԴԱՐԱՆԸ ՄԵՋ ՀԱՄԱՐ ՏԱՃԱՐԻ ԸՆԿԱՈՒՄ ՈՒՆԻ»

ՎԵՀԱՓԱՐ ՀԱՅՐԱՊԵՏԸ ՄԱՏԵՆԱԴԱՐԱՆԻՆ ՆՎԻՐԵՅ 12 - ԴՐ ԴԱՐԻ ԱՎԵՏԱՐԱՆ

Մայր Աթոռ Ս. Էջմիածին, 22 մայիսի 2000 թ.:

Մայիսի 20-ին Ն.Ս.Օ.Տ.Տ. Գարեգին Բ Ամենայն Հայոց Կաթողիկոսն իր անդրա-նիկ այցը կատարեց Մարենադարան:

«Երբ մուտք ես գործում Մարենադարան, ակամայից ձեռքդ շարժվում է դեպի ճակարդ, որպեսզի խաչակնքես, քանզի Մարենադարանը մեզ համար փաճարի և սրբության ընկալում ունի»: Հայոց Հայրապետերը միշտ էլ սերտ կապեր են պահպանել Մարենադարանի հետ և զորակցել գլխավոր այս հաստատությանը՝ հարստացնելով ու լրացնելով այն նոր ձեռագիր մատյաններով, նպաստելով դրանց պահպանման ու հրապարակման աշխատանքներին:

Այս անգամ էլ, իբրև անդրանիկ այցի հիշատակ, Նորին Սրբությունը հայոց ձեռագրերի գանձարանը հանձնեց 12-րդ դարի ձեռագիր մի Ավետարան՝ հավաստելով, որ կարողությունների և հնարավորությունների սահմաններում մշտապես սատարելու է Մարենադարանին:

Թանկարժեք նվերի համար շնորհակալություն հայտնելով՝ պրն Արևշատյանն իր հերթին Վեհափառ Հայրապետին նվիրեց «Վազգեն Վեհափառի Ավետարանը»՝ երջանկահիշատակ Հայրապետի կողմից Մարենադարանին նվիրած 10-րդ դարի հայոց հնագույն Ավետարաններից մեկի նմանափայլ հրապարակությունը, որը նվիրված է Հայաստանում քրիստոնեությունը պետական կրոն հռչակման 1700-ամյակին: